




पाठ-13

भारत देश

इद भारत देश ते नेल्ला – नेल्ला तोर मानेयक जनुम अत्तोर । बिड़िया
– बिड़िया मेट्टा इगा मेंदे नक्केयधर्मतोड़ मानेयक इगा तम्पुर दादाल आस्क मिंदेर इव
मावा कविता पाटा ते केत्ता मुन्तोर ।

भारत मायद देश ,
इद अस्साल देश ।
इद मोया तद देश ,
इद शोभा तद देश ।
बिड़िया मेट्टा हिमालय ,
गंगा यमुना इगाए ।
काश्मीर तद शोभा ,
कन्या कुमारी इगाए ।
बापू , नेहरू , इगाए पुटतोर ,
सुभाष , भगत इगाए मत्तोर ।
अंग्रेजी पूड़ी इत्तोर ,
मायद शोभा तद देश ।
हिन्दु , मुस्लिम इगा मेंदेर ,
सिख , ईसाई इगाय मेंदेर ।
नालूर दादाल तम्पुर ,
कव्स मन्नाल मन्दकाल ।
मुंड रंग तद झंडा ,
मायद ऊड़ाट पापा ।
शोभा तऽ मायद झंडा,
मोया तऽ मायद देश ।



01. इव कविता पाटाकीन मिला-मिला कीस पारा ।
 02. रेंड-रेंड लाइनीकीन अलग-अलग पोढ़ेम पेकोड़ कीन ते पोढ़ेम
 आयनेके केल्ला आवुर अदीनार मतलब पूछा कीम ।
 03. कविता पाटा ताद संदेश समझा कीम ।

माटा गियान :-

- हिमालय — ओंड बिड़िया मेट्टा ता पेदिदर ।
 गंगा, यमुना — इव रेंडासो बिड़िया कुयेर ।
 कश्मीर — नेकाय शोभतऽ ओंड राज्य ।
 कन्याकुमारी — इगा एवना मायद देश मेन्दे ।
 बापू — गांधी बाबाल , महात्मा गांधी ।
 नेहरू — मन देशतऽ पहला प्रधानमंत्री ।
 सुभाष — नेताजी सुभाष चन्द्रबोस ।
 भगत — भगत सिंह , देश मैदे फाँसी तरत्तोर ।

नेल लिखा किततव शब्द तऽ अर्थ को टक ते एंची लिखा कीमूट अस्साल तम्मुर
 झण्डा ।

गतिविधि :-

पिल्लाकिन रेंड सोप्पे तूसी सवाल कियानोन केंच वेडें गुरुजी मौखिक सवाल पूचा
 कीवीर ।

सवाल इद लेके मेंदे :-

- क. इद कविता बेनोर लिखा कित्तोर ?
 ख. इद कविता बाता माटा ते मेन्दे ?

सवाल :-

इग्गा लिखा कित्तव सवाल तद उत्तर लिखा कीमूट ।

- क. बिड़िया मेट्टा तऽ पेदिदर ?
 ख. बेनोर फांसी तरत्तोर ?
 ग. बापू बेनोन पेदिदर ?
 घ. बेच्चोर रंगतद मायद झण्डा ?

अधुरा लिखा कित्तव किन पूरा कीमूट ?

- क. बिड़िया ————— हिमालय ।
 ख. कन्याकुमारी ————— । मूंड ————— तद झण्डा ।
 ग. बापू ————— अंग्रेज ————— इत्तोर ।
 घ. सिख इसाई ————— मेन्दे ।
 ङ. ————— नालूर ————— तम्मूर ।

